



Bájkkeavijssa NuorttaSálto



Tæksta: Kitty Skapalen
Gáva: Kitty Skapalen
Járggálibme: Divte Media AS

Vuolledirektørra Kitty Aira le viek dudálasj ádá kaféa-fálaldagájn Árranin. Kafé Durro jádeduvvá Roger Pedersenis (g.b) ja viehkkekáhkas Kevin Olaisen. **Underdirektør** Kitty Aira er strålende fornøyd over det nye kafe tilbudet ved Árran. Kafé Durro blir drevet av Roger Pedersen (t.v) og hjelpekokk Kevin Pedersen.

Kaféarahpam Árranin

Roger Pedersen (22) Ájluovtas le kantijnav ja kaféav Árranin rahpam. De dal bargge ja bájke viesáda vijmak bárrámsajev guovdátjin oadtju.

Ávdáala le Árranin kantijnna læhkám 1990-lágo álgon. Vuostatjin galggá kantijnna barggijda liehket, valla ájnegisulmusjvidnudagá æjgát, Roger Pedersen, ájggu bájkálasj viesáda aj galggi bessat kaféav ávkálasstet.

- Gæhtjalimájgen ájggop guovdátja rahpamájgijt tjuovvot, mánnodagás bierjjedahkaj kl 10 – 16. Valla ávdáljguovlluj vuojnnep máhttelisvuodajt duon dán lávvodagájn rabás adnet, javllá Pedersen.

Ruohtus Ájluoktaj dijmmá jáhttáj ja le guovvamáno rájes barggam viddnudagáv jáhtju oattjotjit. Addneguoradallamav le

tjadádam ja dat vuosedij nanos berustimev.

- Ájggop bájkálasj - ja sijddabiebmov stiellit. Kaféagálvo ja mállása. Uddni rahpambieje le bidos mállásin.

lenep bargge

Árrana direktørra, Filip Mikkelsen ádá fálaldagájn viek ávvudallá.

- Dát gal buorre sjaddá. Gá álgijma guovdátjav jádedit de lijma binnep virgálettja ja uddni lip moattes, ja navti gal le dárbbu kaféaj. Sávvav oadtjop moadda guollemállása menyán, soajttá spekesildáv ja ietjá njálga guolev, májut, ja sávvá Pedersenij vuorbev.

Vuolledirektørra Kitty Aira le aj viek dudálasj.

- Dát le viek buorre. Dálá boahtep varás káffaj ja máhttep lunsjav ja mállásav dánna oasstet. Bárráp aj álggon gájt akti vahkkuj ja de la máhttelis njálga mállásav dánna oasstet. Dát buorre sjaddá, javllá sán.

Turistaájge vuorddá

Pedersen aj turistaájge vuorddá, ja vuojná máhttelisvuodav turistajt giesen dievnastit, ja ávdáljguovlluj ihkap ájn akta barggosadje sjaddá.

- Muv steviellja Kevin Olaisen (22) le áhpadum koahkka ja muv álgon viehket, javllá Pedersen. Iesj li sujna átsádallama tsieggim- ja snihkkumsuorges, valla sujna le agev sávvadus læhkám koahkkan barggat. Ja arvusmahttemav le vuorrasap sámijis oadtjum.

- Mán lev bájke vuorrasap ulmutjijt guossidam ja tjálálvisájt tjuoggám guolláj

ja bierggaj, ja le árvusmahtedum sáme ja nuortta-vuona biebbmo. Berustav álleslasj ávdedimes biebbmo, mij galggá njálggen vuojnnet ja diedon njálggen májstet, májudallá sán.

Juojddáv gal le oasestam, ja jáhkká sán viertti ádá vædtsagijt mañenagi oasstet. Suy plánajn le aj catering-oasse.

- Árran le juo ávdáljguovlluj diñngum, ja vuosstájválldep aj catering diñngumijt iehtjádijs guovdátja álgusbieles, javllá Pedersen.

Sán le aj sáhkadam ietjá aktøraj, duola dagu hotellajn Sisnuoren.

- Munji vuojnnet le navti gá ienep fálaldagá gávnu, infrastrukturra lágnán. Miján le máhttelisvuoha buorre biebbmojt oasstet, ja navti sávvap ulmutja árbbedábálasj biebbmov ájggu bárrát, hæjttá ádá viddnudakæjgát Ájluovtan.